



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXXV. Austrag der Landstände zwischen dem kurfürstlichen Amtmanne zu Liebenwalde und denen von Arnim zu Zehdenick wegen des Fließes Dollen und verschiedener dem Amte Liebenwalde zuerkannter ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

dann vonn stund an das gnannt Closter Zedenick auch komen vnd eigenthumb sein soll, soliches wir also verwilligenn vnd bestetigenn, In Craft vnd macht dits briues etc. Datum Coln an der Sprew, am tag petri vnd pauli, Im LXXX.

Nach dem Churmärkischen Lehnscopialbuche XXVII, 41.

XXXV. Anstrag der Landstände zwischen dem kurfürstlichen Amtmanne zu Liebenwalde und denen von Arnim zu Zehdenick wegen des Fließes Dollen und verschiedener dem Amte Liebenwalde zuerkannter Besitzungen, vom 1. März 1491.

Zu wissen. Als der Erbar hanns Meynemer, Des Durchluchtigen hochgebornnen Fursten vnd herrn, herrn Johannszen, Marggraffen zu Brandenburg, Churfursten etc., vnser gnedigsten herrn Amtmann zu liebenwald, vnn Ambts wegen, mit den Erbar vnd vesten Berndt, lippolt vnd heinrichen vnn Arnym, gebrudern vnde vettern, zu zedenick gefessenn, vmb etliche vischerey In vnd auff dem wasser, Dollen gnannt, so aus dem Tramer sehe fiewt, vnd vmb holzung, wisch vnd grefung, genseit dem flisse Dollen gegen Liebenwald gelegen, biszher Irrig ist gewelzen vnd die sach nach verhorung etlicher zewgen beyderfeyt gefürt für vnns Boffen, Bischoue zu havelberg, Dittrichen, Confirmirten zu Bischouen der khirchen lubus, Gorigen, Fursten zu Anhalt vnd Grauen zeue Aschkannen etc., Johannsen vnd Jacoben, Grauen zu lindow vnd herrn zu Rupin etc., Reichart vnn der Schulemburg, Maister Sannt Johans ordens, Boffe vnn Aluefzleuen, Obermarschalk, Ritter, Old vnd Jung Werner vnn der Schulemburg vnd Curt Slabernndorff, Mathias Rock Inn der alten statt, Claus vnn Gulen Inn der Newennstatt Brandenburg, Albrecht Tiden, zu Franckhfurt, vnd heinrichen buchholz, zu Stendall Borgermeistern, vnd andern Prelaten, herrn, Mannen vnd Stetten zu Recht khommen sein, Das wir nach verhorung solicher zewgnus vnd allem furbringen, die obgedachten parthey solicher Irrung mit irem willen, wissen vnd volhort gancz entscheyden, vnd hat darauff der gnannt lippolt vnn Arnym vnn seinen vnd vnn heinrichen vnd Bernts, seiner Bruder vnde vetters wegen mit dem gnannten vnserm gnedigsten herrn Marggraue Johannsen, Curfursten etc., noch mit hannsen Meynemerem, seiner gnaden Amtmann, auf angestalte clag nicht wollen Rechten, sunder hat seinen gnaden vnd dem Amtman die sachen, wie die gegen Inen Im Rechten angestalt, Inn der gutt gantz nachgeben vnd sich der vischerey vff dem flies Dollen vnd der Wisch grefung vnd holzung genseit dem Dollen, gegen liebenwald gelegen, hinfür sich der nicht zu geprauchten oder Irrung daran zu thun, gancz verzigen. Des zu urkhunt vnd warem bekennntus haben wir obgedachter Dittrich, Confirmirter Bischoue der kirchenn lubus, vnser Innigell wissenntlich an disen Recefs henngen lassen, Des wir andern Prelatten, herren, Manne vnd Stette Sunderlich vnd semblichen mit geprauchten. Gescheen vnd geben zu Coln Im Sloss, am dinstag nach dem Sontag Reminiscere, Nach der geburt Cristi virzehenhundert vnd Im XCten.

Nach dem Churm. Lehnscopialbuche XXVII, 353.